

# শিক্ষাখাতের আমূল পরিবর্তন করবে সরকার: শিক্ষামন্ত্রী

অনলাইন ডেস্ক

০৭ মে ২০২৬, ০৪:০৮ পিএম



শিক্ষামন্ত্রী এহসানুল হক মিলন বলেছেন, দেশের ভবিষ্যৎ প্রজন্মকে দক্ষ করে গড়ে তুলতে প্রয়োজনীয় বিনিয়োগ নিশ্চিত করতে সরকার বদ্ধপরিকর। শিক্ষাখাতের আমূল পরিবর্তন ও মানোন্নয়নে মোট জিডিপির ৫ শতাংশ ব্যয় করতে সরকার প্রস্তুত।

আজ বৃহস্পতিবার রাজধানীর একটি হোটেলে আয়োজিত অনুষ্ঠানে এসব কথা বলেন শিক্ষামন্ত্রী।

এহসানুল হক মিলন বলেন, বিগত সরকারের সময়ে শিক্ষাখাতে বিনিয়োগ কখনোই দেড় শতাংশের বেশি যায়নি। দক্ষ মানবপুঁজি তৈরি করতেই শিক্ষায় বিনিয়োগ বাড়ানোর লক্ষ্যে সরকার কাজ করছে।

প্রাথমিক পর্যায়ে শিক্ষা নিশ্চিত করার পাশাপাশি দক্ষতা বাড়ানো প্রয়োজন জানিয়ে শিক্ষামন্ত্রী বলেন, ডিজিটাল ক্লাসরুমের বিষয়ে বিগত সরকার ব্যর্থ ছিল। জবাবদিহিতা ও স্বচ্ছতার অভাব ছিল। প্রধানমন্ত্রীর প্রতিশ্রুতি অনুযায়ী এ সরকার ইন্টারেক্টিভ ডিজিটাল ক্লাসরুম করার দিকে এগোচ্ছে।